

## Pravila nagradne igre

### “Coca-Cola: Podijeli s dragom osobom i osvoji fantastičnu nagradu”

#### 1. OSNOVNE INFORMACIJE O PRIREĐIVAČU NAGRADNE IGRE

Ovu nagradnu igru pod nazivom "Coca-Cola: Podijeli s dragom osobom i osvoji fantastičnu nagradu" organizira i provodi Coca-Cola HBC B-H d.o.o. Sarajevo, sa sljedećim sjedištem: Mostarsko raskršće 1, 71240 Hadžići, koju zastupa direktor prodaje Andrej Lukač (u daljem tekstu: Priređivač), ID-broj: 4200200160006, PDV broj: 200200160006, uz saglasnost Federalnog ministarstva finansija, Broj: UP-05-12-1-409/25 od 22.04.2025. godine

#### 2. NAZIV NAGRADNE IGRE

Naziv nagradne igre je Coca-Cola: “Podijeli s dragom osobom i osvoji fantastičnu nagradu”

#### 3. TRAJANJE I SVRHA PRIREĐIVANJA NAGRADNE IGRE

3.1. Nagradna igra traje u periodu od 19.05.2025. do 30.06.2025., a priređuje se u svrhu promocije vlastitih proizvoda i usluga, te u nagradnoj igri učestvuju sljedeći proizvodi iz asortimana Priređivača:

- 1) Coca-Cola u pakovanju od 250ml u staklenoj ambalaži;
- 2) Coca-Cola Zero Sugar u pakovanju od 250ml u staklenoj ambalaži;
- 3) Coca-Cola Cherry u pakovanju od 250ml u staklenoj ambalaži;

3.2. Nagradna igra organizuje se na teritoriji Federacije Bosne i Hercegovine.

3.3. Organizator će prije početka nagradne igre, objaviti Pravila nagradne igre u jednim dnevnim novinama dostupnim na teritoriji Federacije Bosne i Hercegovine, i navesti broj i datum Rješenja Federalnog ministarstva finansija, kojim je data saglasnost na ova Pravila.

3.4. Organizator će obezbjediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.

3.5. Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.

3.6. Za vrijeme trajanja nagradne igre, pravila su dostupna i na web stranici: <https://ba.coca-colahellenic.com>.

#### 4. USLOVI UČESTVOVANJA U NAGRADNOJ IGRI

4.1. Pravo učešća u nagradnoj igri imaju sva fizička lica s prebivalištem u Bosni i Hercegovini starija od 18 (osamnaest) godina koja u periodu trajanja nagradne igre kupe dva proizvoda Organizatora iz Člana 3. ovih pravila u **bilo kojem ugostiteljskom objektu (hoteli, restorani, kafići)** na teritoriji Federacije Bosne i Hercegovine pri čemu se kupljeni proizvodi moraju nalaziti na istom računu sa kojim se dalje registruju na korporativnu internet stranicu, kako je to opisano u nastavku ovih Pravila.

4.2. Za učestvovanje u nagradnoj igri učesnici trebaju otvoriti korisnički profil na web stranici <https://www.coca-cola.com/ba/bs/offerings/share-a-coke/promo-horeca> i unijeti lične podatke

(država prebivališta, e-mail adresa, datum rođenja, korisničko ime, kontakt telefon). Svaki učesnik nagradne igre može imati najviše jedan korisnički profil u okviru web stranice. U slučaju da Priređivač tokom trajanja nagradne igre utvrdi da je sudionik otvorio više korisničkih profila u okviru web stranice, Priređivač zadržava pravo diskvalifikovati tog učesnika.

Napomena: Učesnici koji imaju otvoren korisnički profil na Coca-Cola aplikaciji mogu se prijaviti na web stranicu [www.coca-cola.com/ba/bs](http://www.coca-cola.com/ba/bs) koristeći e-mail adresu povezanu sa korisničkim profilom unutar Coca-Cola aplikacije.

4.3. Nakon izvršene registracije, učesnici trebaju uslikati račun koji mora biti u cjelosti vidljiv, sadržavati bilo koja dva proizvoda navedena u Članu 3., te biti izdat za vrijeme trajanja Nagradne igre u bilo kojem ugostiteljskom objektu (hoteli, restorani, kafići) na području Federacije BiH.

4.4. Fotografiju računa potrebno je zatim prenijeti (uploadati) na promotivnu stranicu <https://www.coca-cola.com/ba/bs/offerings/share-a-coke/promo-horeca> (u daljem tekstu: "Promotivna stranica"), gdje će prijava biti evidentirana i uključena u sistem za nagradno izvlačenje.

4.5. Svaki uredno prenesen račun koji sadrži bilo koja dva proizvoda Priređivača iz Člana 3. ovih pravila osigurava učesniku jedno (1) mjesto u nagradnom izvlačenju.

4.6. Učesnici mogu prenijeti najviše 10 (deset) računa dnevno, pri čemu fotografija ne smije prelaziti veličinu od 4.5 MB. U izvlačenju mogu učestvovati isključivo uredno preneseni računi koji su izdani tokom trajanja nagradne igre te koji sadrže promotivne proizvode kupljene u skladu sa ovim Pravilima. U obzir se neće uzimati računi koji su nepotpuni, nejasni, izmjenjeni ili koji na neki drugi način ne zadovoljavaju kriterije propisane ovim Pravilima.

4.7. Pravo na učešće nemaju osobe zaposlene kod Organizatora, osobe zaposlene u reklamnim agencijama uključenim u ovu promociju, kao i najbliži članovi porodice bilo koje od navedenih osoba (supružnici, djeca i roditelji te braća i sestre ukoliko žive s njima u zajedničkom domaćinstvu). Organizator zadržava pravo da po vlastitom nahođenju izvrši provjeru gore navedenih činjenica.

4.8. Dobitnik nagrade ne može biti maloljetna osoba, a punoljetne osobe sa ograničenom sposobnosti podobne su primiti nagradu samo uz odobrenje zakonskog staratelja. U tom slučaju zakonski staratelj mora predati potrebne dokumente, uključujući izjavu o pravu na učešće, izjavu o oslobađanju od odgovornosti, izjavu o ustupanju prava na javno objavljivanje te izjavu o prihvatanju nagrade.

4.9. Priređivač zadržava pravo provjere valjanosti prijave, uključujući autentičnost prenesenih računa. Računi koji nisu izdani putem zakonitih i dopuštenih prodajnih kanala bit će diskvalifikovani. Učesnici su dužni čuvati originalni fiskalni račun kao dokaz o kupovini. Priređivač ima pravo zatražiti predočenje originalnog računa u svrhu provjere.

4.10. Učestvovanjem u Nagradnoj igri, učesnici potvrđuju tačnost unesenih ličnih podataka i pristaju na Pravila nagradne igre. Jednom prenesen (uploadan) račun na promotivnu stranicu ne može se koristiti za ponovno učestvovanje.

## **5. NAČIN IZVLAČENJA DOBITNIKA NAGRADA**

5.1. Za vrijeme trajanja ove nagradne igre odvijat će se 7 (sedam) nagradnih izvlačenja (sedam kola) metodom slučajnog odabira u kojem učesnici Nagradne igre mogu osvojiti sljedeće nagrade:

| Nagrada                                        | Količina | Jedinična vrijednost bez PDV-a | Ukupna vrijednost sa PDV-om (KM) |
|------------------------------------------------|----------|--------------------------------|----------------------------------|
| Automobil Fiat 500 MY24 1.0 BSG 70KS DOLCEVITA | 1        | 29.059,83 KM                   | 34.000,00 KM                     |
| Mobitel Apple iPhone 16 Pro Max 256GB          | 3        | 2.494,87 KM                    | 8.757,00 KM                      |
| Godišnja pretplata na Deezer servise           | 129      | 80,23 KM                       | 12.110,52 KM                     |
| UKUPNO:                                        | 133      | 31.634,93 KM                   | 54.867,52 KM                     |

5.2. Izvlačenje nagrada metodom slučajnog odabira odvijat će se u skladu sa ovim Pravilima. Broj prijava za učestvovanje u izvlačenju po jednom učesniku je ograničen na broj od maksimalno 10 prijava dnevno.

Javno izvlačenje nagrada iz svakog kola obaviti će se u poslovnim prostorijama priređivača na adresi u Sarajevu, Mostarsko raskršće 1 prema slijedećem rasporedu:

- 1. Prvo kolo: Dana 29.05.2025. godine u 12:00h za prijave prikupljene od 19.05.2025. od 12:00h do 26.05.2025. godine do 09:00h za sljedeće nagrade:**
  - Mobitel Apple iPhone 16 Pro Max 256GB (1 dobitnik)
  - Godišnja pretplata na Deezer servise (21 dobitnik)
- 2. Drugo kolo: Dana 05.06.2025. godine u 12:00h za prijave prikupljene od 26.05.2025. od 09:01h do 02.06.2025. Godine do 09:00h za sljedeće nagrade:**
  - Godišnja pretplata na Deezer servise (21 dobitnik)
- 3. Treće kolo: Dana 12.06.2025. godine u 12:00h za prijave prikupljene od 02.06.2025. od 09:01h do 09.06.2025. Godine do 09:00h za sljedeće nagrade:**
  - Mobitel Apple iPhone 16 Pro Max 256GB (1 dobitnik)
  - Godišnja pretplata na Deezer servise (21 dobitnik)
- 4. Četvrto kolo: Dana 20.06.2025. godine u 12:00h za prijave prikupljene od 09.06.2025. Od 09:01h do 16.06.2025. Godine do 09:00h za sljedeće nagrade:**
  - Godišnja pretplata na Deezer servise (21 dobitnik)
- 5. Peto kolo: Dana 26.06.2025. godine u 12:00h za prijave prikupljene od 16.06.2025. od 09:01h do 23.06.2025. Godine do 09:00h za sljedeće nagrade:**
  - Mobitel Apple iPhone 16 Pro Max 256GB (1 dobitnik)
  - Godišnja pretplata na Deezer servise (21 dobitnik)
- 6. Šesto kolo: Dana 03.07.2025. godine u 12:00h za prijave prikupljene od 23.06.2025. od 09:01h do 30.06.2025. Godine do 00:00h za sljedeće nagrade:**
  - Godišnja pretplata na Deezer servise (24 dobitnika)
- 7. Sedmo kolo: Dana 03.07.2025. godine u 12:30h za prijave prikupljene od 19.05.2025. do 30.06.2025. za sljedeće nagrade:**
  - Automobil Fiat 500 MY24 1.0 BSG 70KS DOLCEVITA

5.3. Pored glavnog dobitnika izvući će se i dva alternativna dobitnika, koji će se smatrati dobitnikom u slučaju da prvobitno izvučeni dobitnik ne ispunjava uslove ili u slučaju da prvobitnog dobitnika nije moguće obavijestiti o osvajanju nagrade u roku od 8 dana, jer je naveo nepostojeću ili pogrešnu e-mail adresu.

## 6. SASTAV KOMISIJE ZA IZVLAČENJA NAGRADA

6.1. Organizator će imenovati Komisiju (najmanje tri člana), koja će nadgledati regularnost javnog izvlačenja dobitnika.

6.2. O toku izvlačenja Komisija će voditi zapisnik koji će minimalno sadržavati:

- a) mjesto, vrijeme i način izvlačenja dobitnika
- b) broj i datum Rješenja Federalnog ministarstva finansija,
- c) datum i naziv medija u kojem su pravila nagradne igre objavljena,
- d) imena i prezimena članova komisije,
- e) imena, prezimena i adrese dobitnika
- f) naziv i vrijednost nagrade pojedinog dobitnika.

## 7. FOND NAGRADA

7.1. Nagradni fond se sastoji od:

| Nagrada                                        | Količina | Jedinična vrijednost bez PDV-a | Ukupna vrijednost sa PDV-om (KM) |
|------------------------------------------------|----------|--------------------------------|----------------------------------|
| Automobil Fiat 500 MY24 1.0 BSG 70KS DOLCEVITA | 1        | 29.059,83 KM                   | 34.000,00 KM                     |
| Mobitel Apple iPhone 16 Pro Max 256GB          | 3        | 2.494,87 KM                    | 8.757,00 KM                      |
| Godišnja pretplata na Deezer servise           | 129      | 80,23 KM                       | 12.110,52 KM                     |
| UKUPNO:                                        | 133      | 31.634,93 KM                   | 54.867,52 KM                     |

7.2. Nagradni fond se ne može zamijeniti za novac. Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom članu Pravila.

7.3. Igrač nema pravo da bira karakteristike Glavne Nagrade (npr. boju, opremu itd.) i nema pravo da je prenese na drugo lice u periodu od jedne godine nakon preuzimanja. Dobitnik je odgovoran za sve dodatne troškove vezane za nagradu automobil (registracija, prenosa vlasništva, osiguranje).

## 8. NAČIN OBAVJEŠTENJA I OBJAVLJIVANJA DOBITNIKA NAGRADA

8.1. Priređivač je dužan najkasnije u roku od 8 dana od dana izvlačenja, obavijestiti dobitnike o osvojenim nagradama.

8.2. Rezultati nagradne igre i imena dobitnika nagrada bit će objavljeni i na web stranici Organizatora: <https://ba.coca-colahellenic.com> te će dobitnici biti kontaktirani putem e-mail adrese koju su naveli u prijavi.

8.3. Ukoliko zbog okolnosti za koje nije kriv Organizator (dostavljeni pogrešni lični podaci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

## 9. MJESTO I ROK ZA PODIZANJE NAGRADA

9.1. Dobitnicima će osvojene nagrade (Mobitel Apple iPhone 16 Pro Max 256GB) biti isporučene putem dostavne službe na adresu koja je navedena u prijavi, kod za godišnju pretplatu na Deezer servise će im biti poslan na e-mail adresu koju su naveli prilikom prijave, dok će se automobil uručiti direktno na adresu koja je navedena prilikom prijave ili u slučaju da to nije moguće iz opravdanih razloga, uručenje će se odvijati u prostorijama Priređivača na adresi Mostarsko raskršće 1, Sarajevo. Sve nagrade će se uručiti i isporučiti najkasnije 30 dana od dana prijema obavijesti o osvojenoj nagradi.

9.2. Ako dobitnik u roku od 30 dana od dana prijema obavijesti o osvojenoj nagradi, ne preuzme osvojenu nagradu, gubi pravo na nagradu, a Organizator će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

9.3. Prilikom preuzimanja nagrada Mobitel Apple iPhone 16 Pro Max 256GB i Automobil Fiat 500 MY241.0 BSG 70KS DOLCEVITA dobitnik potpisuje izjavu o preuzimanju nagrade, dok će za nagrade Godišnja pretplata na Deezer servise biti potrebna potvrda o primitku nagrade putem e-maila na e-mail adresu sa koje je poslana nagrada.

9.4. Organizator je odgovoran za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada.

9.5. Priređivač ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

9.6. Porez na dohodak na nagradu ostvarenu učešćem u nagradnoj igri, obračunat će se u skladu sa propisima o porezu na dohodak i pada na teret Priređivača.

## **10. USLOVI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI**

10.1. Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

10.2. U slučaju prekida ili otkazivanja nagradne igre uslijed nastupanja vanrednih okolnosti, organizator će o navedenom obavijestiti Federalno ministarstvo finansija.

10.3. Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Priređivača ili opštepoznati, a Priređivač će učesnike o navedenom obavijestiti na isti način na koji su objavljena ranije odobrena pravila nagradne igre.

10.4. Ukoliko nagradni fond nakon završetka nagradne igre ne bude podijeljen učesnicima na način predviđen Pravilima ove nagradne igre (uslijed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre uslijed dejstva okolnosti koje imaju karakter više sile, Priređivač će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

## **11. KORIŠĆENJE LIČNIH PODATAKA**

11.1. Učešćem u nagradnoj igri, učesnici potvrđuju prihvatanje ovih Pravila i daju saglasnost Priređivaču da prikuplja i obrađuje navedene lične podatke isključivo u svrhu provođenja ove nagradne igre i na način kako je to opisano u ovim Pravilima. Prikupljeni lični podaci koriste se za samo evidenciju Priređivača.

11.2. Priređivač je odgovoran za obradu podataka u skladu sa propisima o zaštiti ličnih podataka, i poduzeti će sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu poznati sa podacima.

11.3. Učesnik u nagradnoj igri je odgovoran za davanje tačnih podataka Priređivaču, u cilju provođenja ove nagradne igre.

11.4. Učesnici prihvatanjem ovih Pravila daju svoju saglasnost da, ako postanu dobitnici nagrada, Priređivač može proslijediti njihove lične podatke trećim licima (odabranoj dostavnoj službi isključivo u svrhu dostave osvojene nagrade u nagradnoj igri, u računovodstvene svrhe radi eventualnog plaćanja poreza na dohodak), isključivo u svrhu provođenja ove nagradne igre.

11.5. Svojim učešćem u nagradnoj igri učesnici su saglasni da, ako postanu dobitnikom nagrade, njihove lične podatke (ime i prezime) Priređivač može objaviti i iskoristiti bez naknade u štampanom, zvučnom i slikovnom obliku te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka navedenih u korisničkom profilu u promotivne svrhe povezane s nagradnom igrom i proizvodima koji su uključeni u nagradnu igru.

11.6. Priređivač će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

11.7. Učesnik može u bilo kojem trenutku povući svoju saglasnost za obradu ličnih podataka dopisom na adresu Priređivača, i prihvaća da takvo povlačenje saglasnosti uzrokuje nemogućnost daljnjeg učešća u nagradnoj igri.

## **12. NADLEŽNOST SUDA**

12.1. Sve žalbe, prigovore i reklamacije rješava Priređivač nagradne igre. U slučaju opravdanih pritužbi, Priređivač se obavezuje da će ih otkloniti u najkraćem mogućem roku i obavijestiti učesnika.

12.2. Svi eventualni sporovi između Priređivača i učesnika odnosno dobitnika rješavat će se sporazumno.

12.3. U slučaju da spor nije moguće riješiti sporazumno, isti rješava Općinski sud u Sarajevu.

U Sarajevu, 15.04.2025. godine

Broj: 289/25

Odobreno od strane Federalnog ministarstva finansija po rješenju broj: UP-05-12-1-409/25 od 22.04.2025. godine

ORGANIZATOR:

**Coca-Cola HBC B-H d.o.o. Sarajevo**

---

Andrej Lukač ,

Direktor prodaje